

جنان البشر

أزجال بالغامية المصرية فى المهازل البشرية

تأليف

زينات السخاوى



جنان البشر

أزجال بالعامية المصرية فى المهازل البشر

جنان البشر

(أزجال بالعامة المصرية فى المهازل البشرية)

زينات على سالم السخاوى

(١٤٠) صفحة

رقم الايداع : ١١٠٣٢ / ٩٧

الترقيم الدولى : 4 - 84 - 5609 - 977

حقوق الطبع والنشر والتوزيع محفوظة للمؤلفة

١ شارع دينوكرات - الأزاريطة - الاسكندرية

ت: ٤٨٢٥٩٧٨

جنان البشر

أزجال بالعامية المصرية فى المهازل البشرية

تأليف

زينات السخاوى

افتتاحية

... الدنيا ابتلت بالمجانين
من أول عصر ... قاييل وهابيل .
والتاريخ شاهد ... والسنين
على اللي عملوه ... جيل ورا جيل .
نماذج من مختلف الأجيال والأجناس والأعمار
لكن فى النهاية ... كلنا من طلب آدم ... كبار وصغار .
مؤمنين ... عاقلين ... طغاة ... مجانين ... سفاحين
حكام ... محكومين .
كلنا فى النهاية ... خلقة رب العالمين .
نشأنا فى ظل نعمته ... وملكه
واتفرقت بينا السبل ... فى الدروب والطرق
والأيام والسنين .
منا ... اللي اشتروا الآخرة ...

★ تُذكرُ الكاتبة بأن الكتابة بالعامية تتحرر أحياناً من القواعد النحوية والإملائية
نتيجة لبعض الضرورات الفنية .

وكانوا فى الدنيا من الزاهدين .
ومنا اللى ... خاصموا الفضيلة
وكانوا من الأوباش المغامرين .
وكل مغامر منهم فى عهده
افتكر إن ما فيش قده .
وتفضل يعربرد والغرور واخده
لحد ما ربنا وكسه وهدده .
... بيمكن فى زمانهم الناس كانت بتعتبرهم أبطال
حققوا طموحاتهم وآمالهم ... وسحروا الشعوب والأجيال .
لكن الحقيقة اللى كانت مخفية
إنهم نصبوا على كل الناس ... والنصبة كانت محبوكة وقوية .
... والأمثلة لما حنككيها مع بعضنا ... كثيرة
وبترسم أسئلة ... وعلامات إستفهام كبيرة .
لكن كلها بتأكد ... إن كل إنسان
نبى كان ... أو إنسان عادى .
فى حياته ... كان فيه شياطين بتوسوس له

علشان يُفجر ... ويَغدر ... ويفسد ... ويعادي .
والآية القرآنية الكريمة ... بتقدم الرد
”... شياطين الإنس والجن يوحى بعضهم إلى بعض ...“ .

* * * * *

حنكى ... ونروى
ونقدم المحن ... والعبر .
ونتعجب ونتأفف ... على بنى آدميين
اتحسبوا على البشر .
رغم إنهم شياطين ملاعين ... غداريين مجرمين
أنفال غجر .
وفى كل خطوة ... جنعود بالله من الشيطان الرجيم
ومن كل أعوانه ... من الجن والبشر .
وحندى لربنا الكريم ... يهدينا لصراطه المستقيم
ويحمينا ويصوننا ... من جنون البشر
اللى جناهم ... أمر ... وأشر
من جنون البقر .

* * * * *

جنان البشر

... والأنبياء

والتابعين

سيدنا آدم عليه السلام وأم البشرية حواء

أُمى وأبويآ ... آدم وحوآ
كانوا عآيشين فى الجنة الحلوة .
حيآتهم طمر وهنآ ونجوى
مع الملائكة ... رمز الخير والتقوى .
حقن عليهم ... الشيطان
وغرر بهم ... واستأوى .
عشتمهم بالخلود والأمان
خلآهم فى تنبه ... ولهوة .
غضب عليهم الرحمن
وطردهم من جنة المآوى .
تناهوا فى الصغارى والوديان
من غير زآد ... ولا زوآد ولا زهوة .
فضلوا يستغفروا الواحد الديآن

لأجل يرضى عنهم ... ويرجعوا من الصفوة .
غفر لهم ... بعد ما كان منهم غضبان
رؤوف ... رحيم ... فيما يشاء ويهوى .
سكنوا الأرض ... ودارت بهم عجلة الزمان
في كفاح وشقا ... وخوف من وحوش حوالبيهم نعوأ .
عمروا الكون ... ببنانة وصبيان
وما زالت أنسالهم بنتكاثر ... وتنتصارم - عبر الأجيال - وتغوا .
بس ... وأعدهم رب الأكوان
من عمل صالحاً ... حتكون مآله ... جنة الرضوا .
... بداية قديمة ... ورحلة طويلة ... يا إنسان
ولكن ... مين يتعظ ... ويعتبر ... ويظهر قلبه من القسوة .
مين ... مين ؟ !

* * * *

هابيل ... وقابيل

قابيل ... بدون تفكير
قتل أخوه ... هابيل .
ورجع ندمان وحزين
وبقى ويله ... ويل .
اختار يناويه إزاي
وده هم كبير ...
وباء بذنبه ... خسيس وذليل .
لحد ما جه الغراب
والقنه درس جليل ...
علشان يدارى سوءة أخوه النبيل .
وبقى من بعده ...
ندمان وعليل .
وبإيه يفيد الندم ... بعد التضليل .
وبعد ما قال له الحليم ... الورع

”لئن بسطت يدي إلى لتقتلني
ما أنا بباسط يدي إليك لأقتلك
إني أخاف الله رب العالمين “
لكن ... كان قلبه زى الحجر
ونفسه سودة ... بلون الليل .
... أول جريمة ... أبت على وش الدنيا .
وبعدها ... اتوالته الجرائم ...
واحدة ... ورا الثانية .
والإيد ... اللي غدرت بالألم الشقيق
زرعت مع الزمن ... ألف إيد ... وإيد .
واتبدر الشر ... من يومها فى الدنيا
والأرض من تحت الخير ... كل يوم ... بتميد
ونميد ... ونميد .

* * * * *

سیدنا نوح علیہ السلام

سیدنا نوح ... عاش مجروح ...
والجرم فی قلبه ... منین ما یروح .
من أهله وعشیرته ... ربوا له النوح
وعیشوه فی کآبه ... حزین مدبوح .
... بدأ دعوته بوش صبح ...
وكان لین وهادی ... خفیف الروم .
وتفضل یدعوهم لیل ونهار ...
تصموا آذانهم ... بإصرار .
مصرین علی الکفر ... فجار
دعا علیهم ... بعد ما احتار .
فأوحى له ربنا ... قبل ما ینهار
اصنع الفلک بأعیننا وسیبک من الأشرار .
دول نهايتهم حتکون مرار ...
وأخرتهم حتکون ... رعب ونار .

... عكف بهمة ونشاط... يصنع المركب بصبر وثبات
 ورغم سنه كان نشيط... ويسبق الزمن ليوم التمني .
 والكفار كل ما يشوفوا عمايله
 يتناؤزوا ... ويسفروا منه فى الرايات والجبايات .
 وهو ماضى ... بعزم وثبات
 وربنا حسيبه ... ونصيره فى كل الأوقات .
 ... ولما أتم صنع المركب ... ببركة السماوات
 أمره المولى ... بجمع كل إثنين زوجين ... من إنسان وحيوانات .
 وفى اليوم الموعد ... فاض العذاب من السما .
 وانفتحت ينابيع الأرض ... والموج ... جرى وعلا .
 وغرق الكفار الفجار ... فى شر أعمالهم .
 وبدأت الدنيا بداية جديدة ... بالمؤمنين وأجيالهم .
 سبحانه ... جل جلاله
 يخلق الحى من الميت .
 ومن ظهر النبى ... يخلق كافر
 يحالف الشر ... والغدر يبيت .

... نوم ... يا نوم ...
يا طاهر ... يا أمين .
يا للى عمّرت فى الزمن
ألف ... إلا خمسين .
فى ابنك ... وزوجتك
حكمة وآية أزلية .
بنأكد إن الشر ... إرادة بشرية .
ومين يقدر يغيت من رينا ... مين
حتى لو كان نبى ... ومن الصالحين .
فبعداً للظالمين ... بعداً للظالمين .
* * * * *

“سيدنا إبراهيم عليه السلام”

سيدنا إبراهيم ... خليل الإله
من النار ... ربنا أكرمته ونجاهه .
ونصره وصانه على كل عداه
من الكفار ... أعداء الدنيا والحياة .
وبعد صبر سنين ... حقق مناه ...
بالذرية الصالحة ... من الأنبياء .
اسماعيل وإسحق ويعقوب ... الأتقيا
من سارة وهاجر ... الأثنين زينة النساء .
وبأيده الشريفة رفع إبراهيم مع اسماعيل البنين
للكهنة ... بينت الله في الأرض ورمز العلا .
... امتحن ربنا إيمانه برؤيا ... وابتلاه
بذبح اسماعيل نور عينه ومناه .
وامتثل الابن البار ... لأمر أباه
والمولى صانه ... وبكبر من السما فداه .

نبى من يومه ... الخير جه وباه
 لما اتفجرت زمزم ... من باطن الأرض علشان تروى ظمائه .
 وربنا سمع لإبراهيم دُعاء لما دعاه ...
 وسكن هاجر واسماعيل الأرض الجديدة ... فى ظل حماه .
 والصبرا اخضرند واتكست بالخير والنعمة
 سبحانه ... سمع لخليله ... ولبنى نذاه .
 والأرض المهجورة ... بقت معمورة
 وأنفواج وأنفواج من الخلق ... بيقصدوا كعباه .
 ... قادر ... وبقدرته ... يخلق النور من الظلمة
 والرحمة من القسوة .
 تختار ... مهما تختار ... يا إنسان
 ما تملكش من الفضل والرزق ... ولا حصوة .

نبي الله " لوط "

نبي الله لوط... تعبد في تبليغ رسالته
ما بين أهله وعشيرته .

دعاهم للإيمان ... ودعى لهم بهدايته
صموا آذانهم ... من بدء الطريق لنهايته .
رباه سيدنا إبراهيم ... وأحسن ربايته
والمولى حفظه وصانه بنور ولايته .

لأنه من يومه ... كان إنسان مظلوم
ما يجيش الدنس ... ولا اللي فيه بيغوط .
لكن مرانه وعشيرته ... كانوا فسدانيين
وفي الوحل واللواط ... غطسانين .

وبربنا مش مؤمنين ... وما لهمش ملة ولا دين .
ويا ما نصحهم يرجعوا عن غوايتهم اللي زي الطين .
لكن ... كانوا كأنهم من ذرية شياطين
حياتهم مجون وعريضة ... ولما ذانهم عايشين .

أخرة ما يأس منهم ... دعا عليهم لرب العالمين
سمع دعاه ... وخسف الأرض بينهم أجمعين .
وأنزل عليهم رجز من السماء ... صهر أجسادهم
ونجا لوط وكل اللي معاه من المؤمنين .
... كلمة حقولها ... لكل الشواذ
والمسترجلات والمتخلفين ...
واللي بيلخبطوا الأجناس والأنواع بعضها ببعض .
حكمة في اللوم المحفوظ ربنا قالها ...
”... ولا تظنوا ما فضل الله به بعضكم على بعض“*

* * * * *

* سورة النساء : الآية ٣٢ .

“سيدنا يوسف وسيدنا يعقوب”

عليهما السلام

يوسف الصديق ...

أبو طلحة بهية ... وبنيان رشيق .

شاف رؤية عظيمة ... معمرة بالتوفيق .

ولأوفى صديق ... سيدنا يعقوب ... الأب الحنون الرقيق

حكاهما بالتفصيل ... فبشره بالنبوة ...

نبى من بعد نبى ... من أصل طاهر وعريق .

وقال له لا تنقص رؤياك على إخوانك ... لا دول فريق

حيكيدوا لك ... ويقطعوا عليك الطريق .

خلى شركتى عبك ... وحسبك الله

هو نعم المولى ... ونعم الصديق .

... وكان ظن يعقوب فى محله

لما حذر يوسف من إخوانه ... وقال له .

ودارت الأيام ... واللى كان فى مكمته ... وصل له

رموه فى الجبد ... وحصل له منهم ... ما حصل له .

... وكملت الظلم ... مرأت العزيز

وقامت بباقي الدور كله .

ولولا إيمانه بربه ... وحفظه له بظله

لكان هلك ... وضاع فى طريق الشر ... اللى اتفضل له .

... ومرت أعوام ... ورا أعوام ...

ونجاه من السجن ... تفسيره للأحلام .

وحاكم مصر ... عينه على خزائن المال

لأنه سليم النية ... وابن خال .

وجم أخوانه ... من البدو يشتروا الغلال

كرمهم ... ورحب بيهم ... وزود فى المكيال .

وعرفهم ... أول ما شافهم ... فى الحال

وهم ... نكروه ... واستعجلوا فى الترحال .

لكن ... ربنا مكنه منهم ...

وبكرم أخلاقه ... خلاه عنا عنهم .

... ورفع أبويه على العرش ... فى خشوع وإجلال

وانتدقنت رؤياه بخذل الله ... وبصبره على المحال .

... قصة بليغة ... وعبرة عظيمة ...

بتجاوب على أصعب الأسئلة .

ومهما تكررت ... يا ابن آدم ...

ربك أقوى ... من كل الشرور الممكنة .

ربك أقوى ... من كل الشرور ... الممكنة .

* * * * *

سيدنا موسى عليه السلام ... وفرعون

فرعون مصر ... طغى وبغى
وكان على كل الخلق ... متكبر .
وكان يبعث للملأ من شعبه
ولبنى إسرائيل ... إنه ربهم الأكبر .
أرسل له المولى الكريم ... موسى كليمه
وأخوه هارون بآياته ... لعله يتعظ ويتدبر .
استهزأ بكلامهم ... وفى غيه فخل قاسى
ومستفوى ... وطبعه متجبر .
وحتى عما موسى لما انقلبته حية ...
زاد فى ضلاله ... واستعلى واتندر .
وهامان شيطانه ... جمع الدجالين والسحرة
علشان يقلبوا على موسى ... سحروهم الأغبر .
وفى يوم الزينة ... امتلك الخوف موسى
لكن ربه أوهى له ... " أثبت ... فبقوتى أنت الأقدر " .
... وسجدوا السحرة للواحد القهار

وانتفضر فرعون من هيلمانه ... وهاج وثار .
وعلى جذوع النخل صلبهم
وسقاهم قسوة ... وتعذيب ... ومرار .
وانساق ورا غواية شيطانه
وسام أتباع موسى الذل ... أصناف وألوان .
لكن رحمة ربنا ... غلبت شره
وشقت في البحر ... طريق الأمان .
ودان البحر - بالمشيئة - للضعفا
واستعصى ... وانغلق على التاجر الجبان .
فصرخ باسم الحق بأعلى صوت ... علشان يهرب من الموت
ولكن ... بعد فوات الأوان .
ولفظ البحر ... جثته على البر
علشان يكون عبوة ... لكل إنسان .
... فيه رب واحد في السما
واللى في الملك عايز يشاركه
مصيره ... الخزي ... والهوان .

* * * * *

سيدنا سليمان الحكيم

سليمان الحكيم ...

ربنا خصه ... من دون العالمين .

وخلاه عليم ...

بمنطق الطير والنمل والجن والشياطين .

حتى المدهد القميم

خرج يوم ... ورجع وهو حزين .

أصله كان كلیم

وحكى لسليمان قصة سبأ وقومها الكافرين .

أنطقه ربنا الكريم

كما أنطق النمل ... وسمعهم سليمان ودخلوا مساكنهم

خائفين .

سبحانه ... رؤوف رحيم

أوحى للمدهد ... وأرسله لهم علشان يكونوا مسلمين .

وحتى الحديد ... خلاه يلين

وسخره لداود وسليمان ... لنصرة الحق والدين .

وقال لهم المولى الحليم
 اعملوا آل داود... إنى فضلنكم على خلائقي أجمعين .
 ... سليمان ... يا سليمان
 يا حكيم ... يا شكور .
 رغم الملك... والمجد
 مت في مكانك
 ودابة الأرض ... ضعفت البنيان الجسور .
 فسبحان من له الدوام
 ومن له الملك ... كل الملك... من غير سرايات وقصور .
 ... سليمان ... يا سليمان
 يا حكيم ... يا شكور .
 رغم تسفير الجن لك... والوهم والحيوانات والطيور .
 ما خدتكش العزة ... ولا امتلك الغرور .
 آية ... وقالها رب العزة :
 "وقابل من عبادى الشكور"
 فألف رحمه عليك... ونور .

* * * * *

سيدنا يونس عليه السلام

يونس ... ذو النون
عاش في شجون .
من أجله وناسه
اللى كان عليهم جنون .
فضل يدعهم للإيمان
يوم ورا يوم ... وسنة ورا سنة .
كذبوه ... ومشى زعلان
ركب مركب وسافر ... علشان ينسى الضنى .
غرقت المركب ... زام غرقان
وبلعه الحوت ... ومكث فى بطنه سنين
يسبح الرحمن .
لحد ما وسعته مخفزة الديان
ونجاه بقدرته ... وانظله الحوت على الشطآن .
... ورجع لبلده ... يدعى لدعوته ... وسبر على ناسه .

ورعاهم بحنينه ... لحد ما آمنوا ... وعلى الكفر داسوا .

... وانتصر ذو النون ... على الشيطان

انتصر بقلبه المنور ... بالتقوى والإيمان .

وبعداه المجلجل في عتمة الحوت ... وهو سجين :

” لا إله إلا أنت سبحانك إنى كنت من الظالمين “ .

* * * * *

ستنا مريم البتول وسيدنا عيسى عليه السلام

مريم البتول ... بنت الحبيب والنسب
وبنت الأصول .

أما ندرت ندور ... وبقت تسبم ربنا وتقول :
” يا رب يا رحمن يا غفور ...

يا وكيل وعن عبادك مسئول .

إنى ندرت ما فى بطنى ... لببتك المعمور

أقبله منى ... قبل ما يشوف النور

يا رحمن ... يا مغيث ... يا مجيب ... يا شكور “ .

... وسمع ربنا دعائها ... فى حبور

وحقق أمنيتها ... وبقت فى سرور .

ولدت مريم بالبشرى ... ووفت أمها أجمل ندور .

... وكفلها ” زكريا “ ... وكان المعبد هو السكن

وكان إنسان ... صافى النية والبدن .

رباها على الطهر والإيمان الحسن

ويا زين ما ربى ... سلبية الأنبياء والمحن .
... وفى ليلة مباركة ... جنتها البشرى من السما
بوحى إلهى ... نور على نور ... وضياء .
قالت : يا إلهى ... أزاى انجى وأنا عذراء .
فطمنها المولى جل علاه ...
وبشرها بأن وليدها ... نبى من أنبياءه .
وجاها المخاض ... تحت جذع النخلة
وهل المولود يسر النظر ... بجماله وضياه .
" عيسى " عليه السلام ...
اللى وجوده - من غير أب - معجزة وآية بتحير .
سبحانك يا رب ... بتبدل فى الخلق ... وتشكل وتغير .
... وكتر حوالين مريم ... كلام الفضوجيين
فأنطقه رب العالمين ... وبرأ أمه من الظالمين .
طفل رضيع ... نطق بالحق المبين
فى وجه اللى اتهموا أمه بالفحشاء ... والفعل المشين .
... واتربى عيسى ... فى أحضان الحب والتقوى
والعبادة .

وعاشوا مع التقى زكريا ... فى سعادة .
اللى ربنا سمع نداءه ... وادى له بالزيادة .
ووهب له النبى يحيى ... وعوض معبره ...
وصبر مراته المؤمنة ... اللى ما كنتش ولادة .
... وفى يوم ... سمعوا نداء فى المدينة
من الحاكم الرومانى ... الضام .
بأنه حيفقتل كل طفل ذكر ... ما بلغش الحلم .
فخافند مريم ... وشدت الرجال لمصر .
وعاشت بالوليد فى مأمن ... من ظلم الرومان
زعماء ... هذا العصر .
وسعدت مصر ... بالأسرة المباركة
وعاشوا فبها فى سعادة وبسر .
لحد ما هدت الأحوال ... ورجعوا لبيت لحم ... بأرض فلسطين .
وكبر الوليد المبروك ... وابتدى بيعشر بدعوته ...
بين عشيرته الطيبين .
والتف حواليه ... أنصاره من الحوازيين

شباب مؤمن ... آمنوا بدعوته مخلصين
بإيمان راسم ... متين .
... وتوالد معجزاته ... وربنا مكنه يشفى المريض والأبرص
ويحيى الميتين .
علشان يكون معجزة إلهية ... فى نبوته ... وفى مولده ...
ليوم الدين .
... لكن ... اترصد له كفار اليهود
اللى حرفوا الدعوة والدين .
وغلطوا بحاربوه ... فى دعوته السمحة
واقلوبهم قاسية ... غافلين .
ويسفحوا للناس ... أقواله وأفعاله
كل ساعة ... وكل حين .
وهو ثابت على الخط المستقيم
اللى رسمه له ... رب الخلق والعالمين .
... لحد ما جه ... اليوم الموعود
اللى دبروا فيه ... جرمهم المشين .

وصمموا يأخذوه من وسط تلاميذه ...
ويصلبوه ... كما المجرمين .
لكن ... ربنا خذلهم ... وشبه لهم يهوذا
الغدار ... المهين .
وصلبوه بدل عيسى ... الذي رفعه به السما
مع الأنبياء المكرمين .
ونزل لسما الدنيا ... كلام ربنا
في القرآن المبين .
” وما صلبوه وما قتلوه لكن شبه لهم “ .

* * * * *

أهل الكهف

أهل الكهف ...

المولى - أذى الكفار عنهم - كف .

ودحر العدو ...

اللى من إيمانهم ... كان يستغف .

وعملهم وتأنهم

وآمنهم من الجوع ... ومن الخوف .

ناموا ... وصحوا

والزمن من حواليتهم ... أخذ دورته ولف .

مهجزة إلهية

أعرب من الخيال ... ومن الوصف .

سبحانه جل جلاله ... بقوته وعظمته

يهزم الجبروت ... بالضعف .

* * * * *

الطاغى أبرهة

وفى الجاهلية ... الطاغى أبرهة
أدروش بغشومية ... ونهايته كانت مروعة ..
قبل ما ينفذ خطته ... الأرض اترجّت والسما
مجنون ... فرحان بقوته ... ربنا هده ... وانتهى .
... "البيث رب يحميه" ...
قالها جد الرسول عليه الصلاة والسلام .
قالها من قلب مؤمن بالخطوة
قبل ما يهمل على ربوع الأرض الإسلام .
... وكان "عام الفيل" ... فاتحة خير على البشرية .
انهدم الكذب والتفليل ... واتولدت من جديد الإنسانية .
وفى نفس اللحظة ... "كسرى" انكسر إيوانها
و "المجوس" انطلقت ناراها ... وانقضى زمانها .
ورب الكعبة ... حماها وصانها
ونور الهداية ... ابتدى أوانها .

وارتاحت البشرية ... من جنون بشر
كانوا أقل من الحشر.
مجردين من الآدمية ... خليط فظيع وانحسر
يتحرك كما العوس ... في صلب النخاع انتشر .

* * * * *

سيدنا محمد صلى الله عليه وسلم

محمد الأمين

اللى اتذكر اسمه ... فى سماء الدنيا

قبل مولده ... بألاف السنين .

وفى اللوح المحفوظ ... والتوراة ... والإنجيل

مهما جحدوا وكابروا ... كل الكفار الوثنيين .

وفى سن الأربعين

نزل عليه جبريل الأمين ... بالوحى المبين .

وأشرف رسالة ... لهداية الناس أجمعين .

فحمل الأمانة ... وبدأ بأهله وعشيرته

بدعوهم لدين الحق المتين .

سننا خديجة ... الزوجة المجيدة الوفية

كانت أول المؤمنين .

وكمأن ... أبو بكر الصديق ... الوفى المخلص لصديقه

ولرسالة السما ... واللى بالمال والروم كان أخلص المجاهدين .

... ولما جهر نجينا بالدعوة
 انحمل الأذى من الأغراب والأهل وأقرب المقربين .
 وربنا كان واقف جنبه ... شاهد أزره
 رؤوف رحيم ... يأيّد - أنبياءه - بنصره ... على الكفار
 المفتريين .
 صدّى دعوته انتشر فى آفاق الدنيا
 وسمع بيها المشرق والمغرب ... وسرود كالدم فى
 الشرايين .
 فيهم الذى نزلت عليه بلسم ... واللى روعته نفسه كالسم الحلقم
 وبغى له - على الله عليه وسلم - ألدّ العدوين .
 ونزلت الآيات تتوالى ... ويبشره جبريل بيها
 كل ساعة ... وكل وقت ... وكل حين .
 وكانت أجمل مكافأة ... على إخلاصه لربه
 معجزة الإسراء والمعراج ... وصلاته فى السماوات العلّام
 المرسلين .
 وبيها عوض صبره ... بعد موت سننّا خديجة وأبو طالب عمه

نعم السند ... ونعم المعين .
وهاجر المدينة ... بأمر ربه
واتهمت عنه ... أبصار صناديد الكفر المكين .
وبالبشر ... قابلوه الأنصار
وآملوا بدعوته ... فرحين مطمئنين .
وانحصرت دعوة الحق ... ورجع المصطفى لمكة
وبلصر الله والفتنم دخلوا الحرم ... مسبحين مكبرين .
والإسلام نوره ملا ربوع الكون ... واتوارت الظلمة
... وبشعلة الإيمان بدأت وازدهرت حضارة المسلمين .

* * * * *

يا أبو فاطمة ... وأم كلثوم ... وزينب ... ونفيسة
حياتنا إليه من بعدك ... بقت تعيسة .
والإسلام اللي ابتدى شعله ومنازة
أتمسك لحروب ... وشكوك ... وسنين كبيسة .
والفتنة اللي اتولعت - أيام عثمان - شرارتها
بتسرى وتهري من يومها ... وعلى تدميرنا حريصة .
والطهر والسماحة ... والحب والإيمان

بقت شعارات ... فى قلوبنا حبيسة .
... شفاعتك هي ... اللى باقية لنا
بعد ما السلطان ... ورثوه الخونة
والمكم بقى جزاره ومؤامرة ودسيسة .
شفاعتك هي ... اللى باقية لنا
بعد ما أمجادنا بقت وكسة .
وأرواحنا بقت ... رخيصة ... رخيصة .
* * * * *

أبو لهب

أبو لهب ... للنار ذهب
وكفره وجنانه ... كانوا السبب .
ومراته حمالة الحطب
فى جبهها ... حبل من مسد .
زمانها فى النار ينتحطب
ليل ونهار ... من الاثنين للأحد .
... بيكذب ابن أخوه ... الصادق الأمين
وبيحرض عليه الكفار المفتريين .
طغى واتجبر ... وطمغانه هو الذى جاب له التحب
كانت الحقيقة قدامه هو ومراته ... وسبعانه من وهب .
فضل الشيطان يداعب خيالهم ... ونور الإيمان عنهم حجب
وزين لهم الكفر والإلحاد ... يا للعجب .
... وكان الصادق الأمين ... داخل خارج قدامهم
تعبوه آخر تعب .

ياما حاول ينصمهم ويصغى إيمانهم
كانوا يرددوا عليه بغضب .
ويعدوا فى حضوره ودانهم ...
وينسوا صلة الدم والنسب .
ربنا طبع على قلوبهم ... بالغل والقسوة
ونور الإيمان فى عيونهم ... بقى نار وشهب .
... بالذمة ... دول مش يبقوا مجانيين
لما يفتاروا الكفر ... وعن الإيمان يكونوا تايهين
أذوا روحهم ... وزمانهم فى النار مشبوحين .

* * * * *

سببنا عمر بن الخطاب

الفاروق ... عمر بن الخطاب
في العدل ... كان مثل لكل الأجيال .
أعز الله ... بجه الإسلام
زى ما الرسول الكريم ... اتماها وقال .
غبور على الحق ... وَجَلَّ
وما تخمضلوش عين ... غبر لما يطمئن على الرعية والأحوال .
العدل في عهده ساد
والخير عم وقاض ... على كل البلاد .
وكل واحد ... بقى آمن على يومه وغده
وتلاشت من القلوب ... الأحقاد .
وبهت المال ... اتما أموال
من فضل الله ... على كل العباد .
... وفي يوم أسود ... ما طلعتلوش شمس
وهو بيصل بالمسلمين ... في خشوع مطأطي الراس .

قتلته "أبولؤلوة" المجوسى ...
 عميل "المرمزان" و "جفينة" ... أمراء الفرس .
 وشاركهم فى الغدر ... اليهودى كعب الأحبار
 الذى دخل الإسلام ... كما اللص .
 ... روعوا المسلمين بفستهم ... الخونة الكفار
 الله - يجازيهم - موته كان خسارة لكل الأقطار .
 والأرض ... حزنت عليه والسما
 من فرط ما له بين المؤمنين ... مكرمة .
 ... ابن الخطاب ... يا تانى الراشدين
 يا أسطورة حية ... فى وجداننا ودمنا .
 أقوالك وأفعالك ... حاضرة فى ضمير الأجيال
 وعدلك غاية ... بخطم ليها ... كلنا .
 قادر ربنا ... يهدى ليها ... كل عزيز ... ويعزنا .
 وباللى زى حبيدك ... ابن عبد العزيز
 قادر ربنا ... قادر ربنا .

سيدنا على كرم الله وجهه

سيدنا على ... فاضى الرسول
وفقيه المسلمين .
كرم الله وجهه ... لورع قلبه
وتمسكه ... بزهد المتقين .
ويوم الهجرة ... نام فى الفرش المبارك
وواجه الموت ... وغدر المشركين .
ووعده ربنا ... بالجنة
وبقى من العشرة ... المبشرين .
واتجوز أجمل صبية ... فاطمة اللى على الطهر متربة
بنذ رسول الله ... وخديجة المؤمنة الوفية .
وخلعوا ... أحسن ذرية
الحسن والحسين ... زينة شباب الإنسانية .

* * * * *

وفى ظل الفقيه الخليفة
عم العدل والنور ... الناس أجمعين .

وكان ... " على " الخليفة
آخر ... الخلفاء الراشدين .
لكن ... الغل عمى قلب " معاوية " .
سلبيل ... التجار الأمويين .
تاجروا بدم " عثمان " ... واشتروا الدنيا
وباعوا الدين .
وعمت الفتنة ... وبغدر " ابن ملجم " .
اتقتل " على " ... باسم الدين .
وغرق الحق في الباطل ... مع صرخة القاتل الفاجر
" لا تقطعوا ألساني ... كي لا أسكت عن ذكر الله ... ورسوله الأميين " .
فتنة وضلال ... الكل تاه فيهم
واتمست الخليفة ... لملك مكين .
وانتوت " كربلاء " ... بدم بيت النبوة
وعلى السيوف اترفعت ... رأس الحسن ... والحسين .
... سبحانه يا رب ... حكمتك فوق إدراك العقول
يبتشر الإسلام ... على أيديين الفجرة ... دوول .

والأرض ... التي فتحها المسلمون

يحكمها ... "الطلاق" ... المنافقين .

... محنة ... وربنا ابتلاكُم بيها ... يا مسلمين

والتاريخ يبعيد نفسه ... في كل زمان ... وفي كل حين .

في كل زمان ... وفي كل حين .

* * * * *

جنان البشر
في
التاريخ المسكين

الهرم

أثر عظيم ... صامد
على مر العصور والأعوام .
بيدور حوالبه كلام ... وكلام
من إنه اتبنى بالعب والعبادة
أو إنه اتبنى بالسخرة والدموع ... والآلام .
... الملك الإله ... صمم يخلد اسمه
بعمل يلبق بجلالته ... ويكون مثواه .
لأنه كان بيؤمن بالبعث
ورجوعه بعد موته ... للحياة .
... خضعت له العيون والجباه
والكل لبي نداه ... ومين يقدر يحصاه .
ولملموا له الشباب والصناع والرجال
والكل مد إيديه ... وابتدوا بنائه .
عشرين سنة بالسخرة ...

لحد ما وصلوا لمنتهاه .
وأستوى هرم ... مهيب ومهول
شامخ ... فى تحدى ومباهاة .
من عجائب الدنيا ... السبعة
ورغم آلاف السنين ... ما خبرش حد
سوه ... ومغزاه .
يا هلترى اتبغى علشان البعث
ولا وراه سر غميق ... مدفون جواه .
ربنا وحده اللى يعلم ... ما فى جوفه ... وإيه فحواه .
... وباقى الأثر ... ومالى البصر
بيحكى حضارة ... عبادت البشر .
وماتوا البشر ... وباقى الحجر
ومين يعتبر ... ومين يفتكر .

* * * * *

المكسوس

المكسوس ... هجموا زى السوس
واستعمروا الأوطان ... بالجيش .
وقائدكم المهووس ...
بيحطلم الروس ... ويدوس على النفوس .
جه "أحمس" البطل ... ابن البلد المحروس
سحقهم ... وبقي عليهم يدوس .
وطهر البلد منهم ...
من الكبير ... المفعوس .
ورجعت مصر حرة
وازينت كما العروس .
ورجعوا العصبجية ... زى ما جم
يجروا أذيال الخيبة والفذلان .
وجيشهم فى الوحل ... خزيان .
... مقتربين ... معلمش القيمة

وحياتهم كلها ... جنان فى جنان

... وماً وقائدهم ... الملموس .

مش ده برده ... يبقى جنان ... ابتلت بيه الإنسانية

من همج ... ما يفتشوش .

* * * * *

الفيلسوف العظيم "سقراط"

سقراط... كان فيلسوف عصره
وواجه نفسه للعلم.. في كل الأوقات .
وتلاميذه حواليه ... بينهلوا من علمه
شيء... وشويبات .
كانت حياته خير للإنسانية ...
وكلامه حكم... وعظلات .
لكنه كان مبلى ... بزوجة متسلطة
وغبية الغبيبات .
كانت طول حياتها معاه ...
في مناقرة .. ولوم ... عدد الأيام والساعات .
حاولت تقضي على فيلسوف ...
الدنيا كانت محتاجة له ... لنشر الخير والبركات .
مسكين سقراط... الزمن بلاه بزوجة
ربت له ... المتهاتات .
... وحكام زمانه كمان ... كانوا رخرين عليه
مثل الأغوات .

اتكاثروا عليه ... من كل الأمكنة
والأنتاجات .

لما لقوا الصبيان ملتفين حواليه ... والبنات .
لإعجابهم برجاجة عقله
وتفسيره ... لكل السؤالات .

... فقبضوا عليه ... ورموه في السجن
بمجة إفساد عقول الشبان .. والشابات .
وأرغموه على الاختبار ... ما بين السجن
أو الموت بالسم ... لو ما رجعش وكف ... وبطل سخافات .
فقال بكل شهامة ... في وجه حكام عهد الظلمات .
السم أحسن من حياة ...
اتخفت فيهما الحريات .

ومات بالسم ... وتلاميذه حزوا عليه
ولعنوا حكامهم الظلمة .. بكل اللعنات .
وبكوا على فيلسوف ... كانت نهائيه
على إيدى الظلم ... والخزعات .

* * * * *

فبرون

فبرون ... أشهر ففنون
قال " أفون ... أو لا أفون "
ومن ففد راسى ... ما طلعت شمس
ولا روما ولا الشعب ففون .
حكم شعبه بالففد والنار
وقلبه كان فاسى وفبار .
والشعب الذى ففه
فاما شاف منه مرار .
فنون ... فبن ففونة
على طول ففغلى ... وفى حالة سعار .
... وحرقتها ... وفعد على تلها
روما العظفمة ... الذى ما كانشى ففه زفها .
فى عهده ... كسروها وذلها
وفنى على فارفها وأهلها .

وبقى يصرخ ويجرى فى ربوعها ويقول

”أنا نبيرون ... وملا بصراخه أرضها .

والكهان والرهبان وشعبها

واقفين يتأملوا الخيبة اللى وصلها .

بالذمة ... ده أيه يكون

مش برده ... نقول عليه مجنون .

حرق بلده ... ومجده

وتاريخه شاهد عليه ... والكون .

* * * * *

هوباتيا (فيلسوفة الإسكندرية)

”هوباتيا“ ... فيلسوفة سكندرية
كانت من ضمن ... المنارات الفكرية .
ولما دخل الغزاة الأجانب إسكندرية
وبقت بلدنا لهم تكية .
حرقوا كتبها ... وقتلوا ومزقوا جسمها
بطريقة وحشية .
قتلوا وفجروا ... مجردين من الإنسانية .
داروا بجثتها علشان يشوفوا الناس
ويحرموا معظموها كفيلسوفة حجتها قوية .
وأشاعوا ... أن الفلسفة إتولدت في أوروبا
بالفلسفة اليونانية .
وإن الحضارة المصرية
عقلها فاضي ... وهويته .
وقامت على الشطحات والخرعبات

وبناء القَوْبِ الفرعونية .

... لكن التاريخ ما يعرفش الكذب

وبيحكم بالموت على كل الأفكار الغبية .

واليوم ... بقت مجلة " هوباتيا " الفلسفية

بتتصدر المكتبات والجمعيات العالمية .

وبقت " هوباتيا " الفلسوفة ... علامة فى الأبحاث والدراسات
الأجنبية .

ولكن ... وبكل الأسف ... مازالت فى عصر مجهولة ...

وذكراها مضمومة ومنسية .

* * * * *

يزيد الأموي

... يزيد الأموي ... سليل الأمويين
المقد ولا قلبه ... وقتل الحسين .
حفيد النبي ... سيد المرسلين
ابن فاطمة وعلى ... الأثنين المباركين .
الذي في بيته النبوة ... كلهم متربيين
على الزهد والتقوى ... وطهارة الأيدي .
... روع الإنسانية ... ليوم الدين
والطيور بكت في البرية ...
والأرض والسما ... كمان باكيين .
مجنون مخذ في النار ... مع الكافرين
ظلم نفسه وتاريخه ... بحقه الدفين .
وزينة شباب الجنة ... الحسين
مع الملائكة ... والولدان المخلدين .

* * * * *

الحجاج الدموي

... وفي العصر الأموي

ابتلى الشعب بالحجاج الدموي .

طاعى وجبار ... وسيرته بتفوّده

وتأذى كل حواسي وسمعي .

من كثر ما التاريخُ خاض في سيرته

ووصف جرائمه وجلونه وبشاعته .

حاول بعض المطيباتية ... تبرير طغيانه وقساوته

وادعوا بالكذب ... إنها لنصرة دولة الإسلام

وتثببت أركانه ... وولايته .

لكن الأيام والسنين ... التي شهدت مآزله ومصائبه

هي التي حكمت عليه ...

وخلت أسود نهاية نهايته .

* * * * *

جما الحكيم

جما كان إنسان حكيم
وله نواذر لطيفة .
عمره ما كان حويط ولا لنيم
ولا أذى حد بكلمة سفيفة .
ونواذره عايشه معانا ... لحد الآن
بننقدر بيها مع بعضنا .
لدرجة لما حد يكون زعلان
تيجي سيرته ... نضمك كلنا .
حاولوا كتير يتهمونه بالجنان
لكن حكمته ... كانت بتثبت عكس كده .
ومراته ياما قالت عنه كمان
وياما اشتكته لده وده .
لكن أكبر الظن ... إنه كان أسطورة مش إنسان .
تناقلتها الأجيال عبر الزمن ...

علشان تتعجب من أحوال الناس والزمان .
 وتوصف ظلم الإنسان لأخوه الإنسان .
 ... ومن نوادره ... إنه مرة ركب الحمار وشافوه الناس
 قالوا راجل جبار عديم الإنسانية ...
 راكب وأبنته ماشى ... ما عندوش إحساس .
 نزل وركب أبنته ... قالوا شوفوا الولد المفترى
 أبوه ماشى ... وهو راكب .
 نزلوا الإثنين من على الحمار ... قالوا أهبل
 عنده حمار ... وعليه مش راكب .
 راح شايل الحمار على ظهره ... وبيته ماشى .
 قالوا مجنون ... عقله اتلحس وراح ولا جاشى .
 ... بالذمة ده أسمه كلام ... لا كده عاجب ... ولا كده عاجب .
 مسكين يا جحا ... من الجار ... ومن العاجب .

* * * *

الحروب الصليبية

الحروب الصليبية ... روعت الإنسانية .
حتى الطيور فى السما ... والحيوانات فى البرية
ما سلمت من الأذى .
ولا خلت شاب ولا عجوز ... ولا طفل ولا صبابة
شجعت فى العالم ... علشان أسباب واهية وغبية .
ده الدين لله ... وكل الأديان نزلت من سماه
بوحى إلهى ... على أنبياءه .
... ويتشارد قلب الأسد
قلبه بالغل ... فسد .
لملم جيوشه ... وحشد
ومن كل جنس ولون أخذ .
والشرق وبيت المقدس ... على طول قصد
لأجل يحرق ... اللى أنزعم واللى انحصد .
لكن بالمرصاد - كان له - مناديد العرب

سلام الدين وفرسانه ... بأحلامهم الفضة وقلوبهم الذهب .
وانهزم ريتشارد ... وجيشه هرب وانضرب
ورجم لبلاده ... بتحصنه المزيمة ... ويطحنه الغضب .
... كان يجري إليه لو من الأول ...
إنوحدوا ... يهود ومسيحيين ومسلمين .
وبيت المقدس بقى ... لكل الموحدين ...
ونعلا ... ونعلا ... بالثقافة والحرية
والعلم ... والدين .
ولامتى ... حنظل فى حرب وضرب .
وإحنا رحنا ولا جينا ... من أب واحد ... كلنا جايين .

* * * * *

هولاكو

هولاكو المجنون ... زعيم التتار
خلى العالم كله فى حالة احتضار .
روم الإنسانية ... ليل ونهار
وجنانه انتشر فى كل الأقطار .
سفك الدماء ... وبقت أنهار
هتك أعراض ... الكبار والصغار .
وبقت جيوشه فى حالة استنفار
أعوام وأعوام ... لعد ما خربوا الديار .
لكن ربنا ... حلیم ستار
هدده ... زى ما هد كل جبار .
ونهض قتلز ... شاطر الشطار
بجيش من المماليك والأحرار .
شعلوا فيه وفى جيشه النار
اتفزعم ... وبقي يصرخ فى حالة انهيار .

ورجم يجر ذبول الخزي والعار
رجم زي ما جه ... فسييس وعمار .
... لكن الشر مهما انهزم ومهما اندحر
له مكان دائماً في قلوب النُجار .
وببيروس نسي نفسه ... وصار عميل للشر
قتل قَطْر ... بقلب بارد ... وسيف غدار .
ويفيد بإيه ندمه ... والوفاء بقلبه انكسر
وتفيد بإيه دموعه ... اللي سالت أعمار .
وليه ما سابش التاريخ يذكر له ... غضب الحليم
مش غضب الخاين الغدار .

* * * * *

محاكم التفتيش

محاكم التفتيش ...

بدعوها ناس ... ما تختشيش .

نصبوا روحهم ... سادة ودراويش

وهم ... فى حقيقة الأمر ... خفائش .

أو تفدر تقول ... كانوا مهاريش

اتحموا الناس بالغش ... والإفك والتهويش .

وخلوا الأم يفتن على أخوه ... لاجل بيعيش .

والإبن على أبوه ... والأم على أولادها

يا إما يفضلوا فى عذاب ... ما ينتهيش .

ربوا للشعوب الرعب ... سفاحين كأنهم من سلالة إبليس .

نصبوا الأموال ... هتكوا الأعراض ... وعصروهم كان عصر تعبس .

التاريخ بيقول ... إن بدايتهم كانت فى فرنسا ...

فى عصر الانحطاط والوكسة ... والتدليس .

وبعد كده ... فى باقى البلاد انتشروا ...

لحد ما انكشع عهد الظلام ...
ولور الحق بان ... بعد ما كان شيش بيش .
وبدا عصر النهضة وسيادة القانون والديموقراطية ...
وبقت العدالة ... بلسم للشعوب ... وغيرها ما فيش .
... باللى بتفتش فى الحقول ... وتفتش ...
تفتش مهما تفتش ... ما تلاقش .
ده ربنا ... وبه قلوب ...
ومين غيره بقدر يطلع على النوايا
واللى فى النفوس ... بيجيش .
دى سكة ... مستجيبة وخطرة ...
وطريقها ... طريق اللى يروح ... ما بيجيش .

* * * * *

الخلافة العثمانية

الخلافة العثمانية

بدأت بداية عظيمة وقوية .

وحملت الأمة العربية

من حكم المماليك... العصبجية .

قامت الفتوحات

وبنت حضارة مترامية الأطراف .

وغزت الغزوات

والكل كان بيها بها ويخاف .

... لكن إنجلترا وفرنسا

كانوا مبينين لها النية .

ومتربصين ... ويبخلقوا المشاهدات

بينها ... وبين الأمة العربية .

علشان يفوزوا بغنيمة الشرق

اللى طول عمره فى عينهم ... اللقمة الهنية .

... أضعفوا العثمانيين ...
وخلوهم يتلاعبوا بالمصير العربى .
ويتأمرؤا عليه ... ويقدموه
قطعة ... قطعة ... للعالم الغربى .
... وخضعت البلاد ... بلد ورا بلد
للاستعمار الأوروبى .
وعلى شان يخضع السلاطين الفاييين
الخلود فى السلطنة والحكم .
طغوا وبغوا ... وسقوا شعوبهم
ظلم ... وسلب ... ولكم .
وانهارت خلافة ... العمالة والغدر والنهب .
واتباعت الإمبراطورية فى المزد
وبرخص التراب ... اشتراها الغربى .

* * * * *

كريستوفر كولمبس

كريستوفر كولمبس
مكتشف القارة الأمريكية .
أحواله كانت نهوس
وتصرفاته كانت غبية .
ورغم إن اكتشافه جليل وعظيم
من الإلف لحد المييم .
لكنه ... كان جبار ولئيم
وغسبيس وملاغي ... وفعله ذميم .
يكل بالهنود الحمر ... أصحاب البلد
ومن أول يوم بجبروته وظلمه ... عليهم إنفراد .
سامهم سوء العذاب ... وحققهم في الحياة جعد
وسرق من عيشتهم الأمان ... في حضن الأهل والولد .
ساقهم عبيد بالسخرة ...
لأجل يعمروا الأرض الواسعة ... المتراصة الأطراف .

فرحان سعيد كالنخلة ... يطعم بالأعراض والأرواح
هو وأذنبه ... من الله لم يخاف .
ودرات عجلة الزمن ... ونهضت القارة الأمريكية
من ظلام الجمل للمدنية .
وانفتحت على العالم ... وبقت قوة جبارة
وقبلت للعلم ... والمال ... والديموقراطية .
وانتأست واحة الحرية
على أشلاء الهنود الطيبين ... سلام النية .
ومهما اتقدمت من السفاهين مبررات ...
حتفضل مدابح الهنود الحمر ... وصمة عار للأبد ... فى جبين
البشرية .

* * * * *

جاليليو جاليلي

العالم الجليل ... جاليليو جاليلي .
مأساته العجيبة ... شغلت عقلي
وحيرت دليلي .
أول ما أعلن عن كروية الأرض
وإن الشمس مش بتدور حوالها .
هاجت الكنيسة ... ورفضت كلامه بالطول والعرض
وانعمته بالكفر ... والموت أصبح مصيره
لو ما تابش عن تخاريقه ... وباس إيديها .
وركم جاليليو ... واضطر يقول العكس
إن الأرض هي المحور والمركز ... مش الشمس .
... ولكن لأنه عمره ما بموت الحق
بعد ستمائة سنة ... أعترف الفاتيكان بجوراته
وظلام الجمل - بالنور - اتشقق .
ونصره ربنا في نومه ... على التزمت والتخلف
وعلى أنصار البغي والغوغائية .
لأنه كان سابق عصره ...
وملهم بنظريته ... من رب الكون والإنسانية .

* * * * *

“ ثورة الجياع وما رى إنطوانيت ”

الثورة مشعللة ...

بركان بيغلى فى النفوس .

ثورة جياع ... منين ما تسرى

تخرب ... وتحوس .

والملكة ... ما رى إنطوانيت

ناجمة فى الحريق ... وفى العز بتخوص .

واقعت فى شرفة قصرها ...

بتتعجب ... على هذا الشعب الملحوس .

وبنسأل وصيبتها : فيه إيه ... هما ليه

مشعللين زى نار المجوس .

قالت لما : مش لاقبيين اللقمة

ولا هنى الخموس .

ردت وقالت “ ياكلوا بسكوت ولا جاتوه

إقلى الشرفة ... ده شعب غبى ومهووس “ .

... سمعها الشعب الغلبان الجحان
هجم على قصورها ... وفي الميدان عدها
وعلى مالها وجمالها بقى يدوس .
وانكتب قولها فى التاريخ
لأجل تكون عبرة وعظة لكل حاكم خاين موكوس .
لكن للأسف ... لسة حكام فى العالم سايبين شحوبهم
يطعنهم الجوع والفقر المنحوس .
وخير البلاد ... بينهرج
دهج وتمف وقصور ويخوت
وده كله ... غير الفلوس .
كلمة وحولها ... للظلمة الفجرة
الدنيا كاس داير ... يوم بتبوس ... ويوم بتدوس .
ويا عالم المستقبل مشى إيه ... حلم ... ولا كابوس .

* * * * *

الحملة الفرنسية

الحملة الفرنسية ... هجمت على بر مصر
هجمة شديدة ... وقوية .
كان فكروها حثروم الشعب ...
لكن ... يا هول ما رأته من أول يوم هجمت فيه على الإسكندرية .
هب الشعب ... هبة رجل واحد
واقننها درس في الوطنية .
وبرغم إنه كان شعب أعزل
لا حيلته مدفع ولا بندقية .
اتربص لهم بطول البلاد وفي كل حنة وصلوا لها
إتأدوا ... أكبر أذية .
”ومراد بك“ قائد المماليك البحرية
اللى كان عامل أسد على الراجل والولية .
هرب هو مماليكه على الصعيد ... خايخين
زي الفيران ... وخيبتهم قوية .
... ومحمد كُريم البطل ... رمز الشجاعة والإنسانية

ما ذابش الموت ولا الخطر ...
وفضل يدافع عن حبيبته الإسكندرية .
لحد ما خلى نابليون خاف وانهمل
وحكم عليه بالإعدام .. يا إما الدية .
اجتمعوا أهل البلد ... من شيوخ وشباب
مزارعين وصناعية .
وكلهم ساهموا بالمال والمصاعف ... لنجدة البطل
وجمع الدية .
لكن للأسف ... اتنفذ الحكم بخسة ودالة وجبونية .
وشعلت ثورة الشعب ... وبيت لهم الشر
بالفعل والنية .
وعلى ايدين سليمان الحلبي ... ابن سوريا الشجاع الهماه
كانت حماية " كليبر " المفتري الجبار
وخلصت الدنيا من شروره ... وانقشع الغمام .
... شاف نابليون كده ... انخلع قلبه
وبقى مش بينام .
حيلاقيها من انجلترا ... ولا من الشعب المصري

العنيد المقدام .
لملم جيشه وجرى على يديه
هو حملته أوام ... أوام .
وغادرت الحملة بشروورها ...
وسابت في مصر بعض منجزاتها ... غير المقصودة .
دخول المطبعة ... وكشف حجر رشيد ... وكتاب وصف مصر
المحرسة .

.....

عجيب أمر البشر ...
قامت فرنسا بالثورة
باسم العدالة ... والمساواة ... والحرية .
وسمحت لنفسها تستعمر العالم ...
وتدوس رغم كل القيم
على الكرامة والإنسانية .
شعارات ... واتجست في الكتب
وفي الواقع دابت في الميّه .

* * * * *

إنجلترا

إنجلترا ... نص الكرة الأرضية كانت مستعمرة .
إمبراطورية ... ما بتخبش عنها الشمس
متعجرفة ومستجبرة .
نهبت خير الشعوب .. بالقوة والقدرة والمقدرة .
يأما شعلت حروب ... وخذت الدنيا مسخرة .
سبحانه مغير الأحوال ... نصر عليها الشعوب
وخلأها متحسرة .
ليل ونهار ... إيرلندا نازلة خبط ورزح
وهي ساكنة ... متجيرة .
سبحانه بيسلط الجبارين على بعض
ويهد كل اللي اتخري .
كل اللي سقته للشعوب ...
ربنا بيخلصه منها فيهما ... وهلم جرا .
... وإن لومتها ... نقول

ده أنا كنت بستنعم الشعوب لخير البشر
با علمهم وبحضرتهم ... وأبعد عنهم الخطر .
بقى كده انكرش من كل بلد ... والشمس تغييب عنى ...
وانحسر .

* * * * *

فرنسا

فرنسا ... استعمرت أفريقيا
وكانت عليها ... حارسة .
سنيين ... وسنيين
لحد ما ورثتها ... الفقر والوكسة .
نحبت خيرها ... واستعبدت شعوبها
بالذل ... جامعة وفارسة .
وحلفات التبشير ... ليل ونهار
للمم كانت غاسلة .
قضت عليها ... ولحد دلوقتي
النفائيات في أرضها ... غارسة .
... ذنب الشعوب عمره ما حيروم
وحسابه عند ربنا لسه .
وأفريقيا حينحوض صبرها ... والأرض حتفضر
ويتفجر الخير في الميَّة ... واليابسة .

... وليل ونهار ... واجعين دما غنا بحقوق الإنسان
وأرض المدنية وبلد النور لكل الأديان .
... شعارات جميلة ... حفظناها
بيضحكوا بيها على العالم الثالث الغلبان
وحناهم كله ... الجماد ... والحيوان .

* * * * *

نوبل

نوبل ... لما اخترع الديناميت
وأثبتت اختباراتنه ... إنه خطير ومميت .
أقر بذنبه ... شجاع وجويط
وقال ... أنا للإختراع ده اتنديت .
وباريت ... من بعدى الإنسانية باريت
تستخدمه فى السلم ... زى ما أنا اتمنيت .
ورصد جائزة لكل مجتهد ونشيط
يعمل خير للبشرية من المحيط للمحيط .
... لكن هيمات يا نوبل ... وباريت
استخدموه فى الخير ... زى ما اتمنيت .
ده وقع فى أيدين الشياطين والعفاريت
وبقى سلام فتاك ... يخرب المعبد والبيت .
ولو كنت عشت ... ورأيت أحفادك واللى عملوه
كنت اتجنيت .

بالذمة ... مش ده يبقى جنان
لما مخترع يجتكر اختراع لخدمة الإنسان .
يقوم يتمسك القنابل ... والغام
أشكال وألوان .
تغنى الكون اللى ربنا وصانا عليه
فى كل كتب الأديان .
وتدمر البيئة ... وتخلق الحب
وتفجر الخير والأمان .

* * * * *

عرايى البطل

عرايى ... كل ما أقرأ تاريخه
يزيد بيه إعجابى .
كان راجل ... بطل وشهم
ودوغرى ... وإيجابى .
قام بثورة تفتية ...
علشان يطهر من الأنجاس ترايى .
اتلموا عليه الخجر ... ونفوه
وظلعوه ماشى كعابى .
حسوا إنهم فى خطر ...
لما أبده المصرى والشامى والأعرايى .
زلزل عروشهم ...
وسموا انتفاضته ... هوجة عرايى .
مش يمكن ... لو نجحت ثورته
كانت جنبتنا آلام السنين .

لكن ... نقول إليه في اللي أحبطوا مهمته

مش برده ... دوول مجانيين .

وان كنا موجودين أيامها وعاتبناهم

كانوا قالوا ... فشر .

ده احنا بنمنعه من دي الهوجة

اللي حتكون على البلاء ... أكبر خطر .

* * * * *

جنان البشر
في
القرن العشرين
و زمناً الحزين

ريا ... وسكينة

أشهر بالأسى ... وأفضل مهمومة وحزينة
من هول اللى عملوه ... ريا وسكينة .
إزاي وصل بيهم الإجرام لغاية دى الطريقة الشنيعة
ولبنات جنسهم ... العمة والخالة والأخت والنية .
الطمع وحب الذهب ... عمى عينهم عن كل فضيلة
والقسوة انطبعت على قلوبهم العليقة .
ارتكبوا الفحشاء والبغاء والرذيلة
روعوا المجتمع ... وعيشوه فى مأسى ليالى طويلة .
أزهقوا الأرواح ... من غير ذنب ولا جريفة
وغلوا الناس ... كل ما تيجى سيرتهم المنيلة بنيلة
يلعنوا أيامهم السوداء ...
وكل اللى اتجرد زيبهم من الأخلاق النبيلة .

* * * * *

موسوليني

موسوليني الطلياني ... كان جبار وأناني
وانساق لى شكله ... هتلر الألمانى .
ضحك على شعبه ... وعشقه بالأمانى
والحياة الحلوة ... والحرب اللى حتمت فى ثوانى .
عمل حلف مع هتلر ... وياما قالوا الناس فيه أغانى ...
” موسوليني ... وهتلر بيه
جاهوا كلب واتحالفوا عليه
الأثنين ولاد الإيه
واللحمة غلت ... وبقت بجنيه
وتقول فى خبيعتهم إيه ولا إيه
وفى بلادنا بيحاربوا بعضهم ليه
يا رب ابعدهم ... وانصر كل شعب افتروا عليه “
... بالذمة ... مش الإثنين مجانين
وجنائهم ضيع ألوف وملايين
من شباب وعواجيز ... كبار وصغيرين .
يارب ... اجمعهم فى جهنم
هم ... واللى زيهم ... أجمعين .

* * * * *

هتلر

وهتلر ... ياما بغى وطنى وانتفشخ
وحارب العالم كله ... وعليه اتشطر .
لكن ربنا يمهمل ... ولا يتأخر
كسره وهزمه ... وحسابه عنده أكبر .
ده اللى بييجى على الشعوب ... ويتجبر
عمر حساباه عند ربنا ... ما يتأخر .
ده كان جنانه ... خطير وخطيم
ملا الدنيا ... حرب وقتل وترويع .
نازى ... وجبان .. معقد وخليع
فى النار زمانه ... بيتجطم جطيم .

* * * * *

هور شيما

نجازاكي وهور شيما
يأذي اللي أذوكي ... وخلوكي بيتيمة .
جربوا فيكي أسلحة الدمار
روعوا شعبك ... صغار وكبار .
ومن طلعة الشمس ... لطول النهار
قضوا على الأخضر واليابس ... الفجار .
شوهوا الأجساد ... بقوة واقتدار
اتخزعت من قلوبهم الشفقة والإيمان ... الكفار .
... أمريكا والغرب ... سلالة الاستعمار
مقدروش على البردعة ... وقدروا على الحمار .
أنهوا الحرب ... نهاية مجللة بالعار
لا الزمان ولا الأيام ... ختمعيها من الأفكار .
... أبهشتاين وغيره ... من العلماء الشطار
اللي اكتشفوا الذرة ... وقنابل الدمار .

لو كانوا شافوا اللي جراك...
كانوا استغفروا المولى الغفار .
وانأسفولك... أنتي وغيرك... من الشعوب والأقطار .
أخذوكى بذبذب حكام الأشرار
اللى اسافوا لألمانيا ... وحكموا بالحديد والنار .
وبعدما خربت مالطة ... استوعب الدوس الأحرار
ونعضوا باليابان من كبوتها ... بقوة واقتدار .
وعوضوا صبر شعبها ... اللي كواه الجحيم الذرى والغبار .
ومسافة كام سنة ... بقت من السبعة العمالقة الكبار .
وبالعزم والقدرة ... والكفاح والإصرار
خلت الغرب وأمريكا ... يلفوا حوالين نفسيهم
ويعملوا لما ألف حساب ومقدار .

* * * * *

فلسطين

فلسطين ...

قلب الأمة العربية الحزين .

من سنين ...

سحلا عليك ... الصهيونيين .

سرقوك ... من ناسك ... الطيبين

وبحجة ... ويكل سليمان ...

فيك ... مهريدين .

لملوا ... من الشتات ...

مستوطنين .

زرعوهم ... في أرضك ...

وكأنهم ... للنازيه ... ناسيين .

ناسيين ... إن بيت المقدس

مسرى ... النبي الأمين .

وفيه ... وفي أرضك

صلى بآدم... وكل النبيين .

... وعد اتكتب... لأمة محمد...

فى القرآن المبين .

”ليدخلوا المسجد كما دخلوه أول مرة“*

... وعمر قدس البراءة... والطهر...

ما حتكون وطن... لقتله الأنبياء والمرسلين .

* * * * *

* سورة الإسراء - الآية ٧ .

أهلى وحبائى

أهلى وحبائى ... الفلسطينىين
خمسين سنة ... فى الإحتلال عايشين .
الله يجازى ... الصهاينة المجانين
سرقوا ديارهم ... وخلوهم فى العرا ساكنين .
وفقدوا كل الحبايب ... والغاليين
وبنا يجمعهم ... همّا وكل المفتريين .
من الصرب ... والكروات ... والروسيين
فى اللى عاملينه ... فى الشعوب المساكين .
... بالذمة ... دول مش برده مجانين
أبتلت بيهم الإنسانية من سنين
وما زالوا بيظلموا ... ومن ربهم مش خافين .

* * * * *

الثورة

... الثورة المصرية ...
بدأت عظيمة ... فتية .
قضت على الملكية والباشوات
والإستعمار والعبودية .
وبشرت بآمال ... كانت فى عالم الغيب
منسية .
فخرم بيما الشعب ... وعطاها تأييد وحب
أكثر مما عطته هى .
لكن الحاكم استغل حب الشعب
وركبه الغرور والإلوهية والدكتاتورية .
وانفرد بالحكم ... واتحكر لأصدقاء الكفاح
واحد ورا الثانى ... بغشومية .
والمعارضين لحكمه رماهم فى السجون
تعذيب وسمل ... وأذاهم أكبر أذية .

واغور على الشعب ... تأمين ومصادرة
بحجة العدالة والإشتراكية .
وورط الشعب ... فى حروب ومعارك
ومشاكل دولية .
وسنة ورا سنة ... الشعب اللي بيحبه
وشادد أزره بجنينة .
واقف جنبه مبهور بيه ... لأجل كونه
أول مصرى - من زمن - يحكم الأمة المصرية .
وناكراه إنه بيعسئ لمصلحته ...
ومصلحة الأجيال والأجيال الجاية .
أتاريخه بيبنى مجد لنفسه ...
بضرب الطبقات الفقيرة بالغبية .
ونازل تضيق فى أموال الشعب
أشى حرب اليمن ... ووحدة سوريا
وأوهام الزعامة للأمة العربية .
لحد ما استعدى القوى العظمى عليه

وابخذوا يدبروا له المكاييد التي هيه .
وسلطوا عليه إسرائيل ... رأس العربة
التي زرعوها في قلب العروبة الأبية .
واتنصبت الوكسة ... وحلت الكسة
وبقت هزيمتنا بجلاجل ... للرايحة والجاية .

* * * * *

ودلوفتني ... وبعد ما عدى على الثورة
سنتين وسنتين .

بنقعد لحسبها يمين وشمال ...
وشمال ويمين .

نلاقى نفسنا في جميع المسائل
ضايحيين ... خسرايين .

... السجون انفتحت ... واتربست
على الألوف والملايين .

والحرية تاهت وضاعت

على أيدين العسكر الثوريين .

وحتى أراضينا الزراعية ... فتنهاها

ووزعناها ... فدادين خمسة على الفلاحين .
فزهدوا فيها ... كما اللقمة المرمية
وهملوا وسافروا ... للبلاد العربية .
وهجروا القرية والريف
وانشعبتوا بنور المدنية .
... والصناعة أدمرت وفسدت ...
مع القطاع العام .
و ... ولا صنعنا إبرة ولا صاروخ
ولا حتى حزام .
وفين إحنا دلوقتي ... من كوريا الجنوبية .
ويانترى لو ما كانتش الثورة قامت
كنا حنكون فبين دلوقتي ...
وسط الأمم العفية .
سؤال بيطرح نفسه ...
وإجابته عند التاريخ والعقول المخلصة الوخية .

* * * * *

الأفغان

”ملاiban“ و”هكمتيار“...
خلوا الشعب الأفغانى محنار .
نككوا وحدته ... وبقي فى انهيار
بعد ما كان جيعة صامدة ... أيام الاستعمار .
لما دبوا الشباب ... من كل الأقطار
وقالوا لاهد نزيل العار .
كانوا يد واحدة ... حارسين الديار
والسلام والأموال ... فى أيديهم أنهار .
من تبرعات الأخوة العرب ... وباقى الأحرار
علشان يجلوا عنهم المستعمر الغدار .
وانهزم المستعمر ... ورهل بقساوته وغار
وانتصر الأفغانى ... وخلص له الديار .
وبدل ما ينعم الشعب بالانتصار
انقضوا الأخوة على بعض ... فى حرب ليل ونهار ،

كل واحد طمعان فى الحكم ... فى حالة سعار .
واتحولت افغانستان لمعسكر كبير ... للقتل والانتحار
والثوار اتصدروا للبلاد العربية ... إرهابيين بأسلحة الدمار .
دمويين ... على طول فى حالة استنكار
نازليين ضرب ورزم ... باسم الدين فى كل الأقطار .
... خبيوا أملنا فيهم
بالقيمة اللى كانوا ثوار .
الله يجازيهم
دول بفعلهم ... ما حصلوش حتى الحمار .
... ليه تعملوا فى بعض كده
يا أحناء " جمال الدين الأفغانى " .
ده كان إنسان مثقف ووطنى
ووطنيته ... خالصه وبانى .
... بالذمة ... ده مش يبقى اسمه جنان
لما ينقلب الإنسان ... على أخوه الإنسان .

* * * * *

الأكراد

الطالباني والبرزاني
سيرتهم غيرة ... ومش عجباني .
كل ما اسمع سيرتهم
أجز على سناني .
وتروم الدمعة ... على طول وخذاني .
أبكي على العراقي ولا التركي
ولا الروسي ولا الإيراني .
إيه ... يا أحفاد " صلاح الدين "
الشر ما بينكم حيوديكم على فبين .
بدل ما تنكاتفوا وتحرروا فلسطين
نازليين ماهرة في بعض ... وأنتم أخوة في الدين .
شمتوا فينا العدوين
وبقينا أضحوكة ... على مرأى ومسمع من العالمين .
بالذمة ... أنتم بكده تبغوا ناس عاقلين

ياريت تسمعوا آهات شعوبكم ... وتكونوا إيجابيين .

وبيا أكراد على حدود سوريا وتركيا

والعراق وإيران .

قلوبنا معاكم وإسلامنا وطنكم

لو ضاقت الأرض ... وتناجت الأوطان .

* * * * *

العراق

أمريكا جيشت جيوشها ... ونفشت ريشها
ونازلة ضرب في العراق .
ومين يقدر يحوشها ... ويمشها ويكرشها
دي طاغية ... وطغيانها زاد وفاق .
والعالم واقف يتفرج ما بين مؤيد ... ورافض
والحق ناه ... وضاع .
لكن نرجع ونقول ... الحق على الحاكم
اللى طغى على شعبه ... وخان وباع .
وخلى شعبه اللى رفعه للسما
ملطشة للمفتريين اللى عاملين سباع .
خلاه فرجة قدام العالم ...
بعد ما كان حفيد الخلفاء ... اللى ملوا الأسماء .
ده نبح الحضارة إتولد في بغداد وبابل
وسمراء والقادسية ... وكربلاء .

والكوابيتة والعراقيين ... دوول شعب واحد
وعمر ما كان بينهم أطماع .
الله يجازي مدام ... هو السبب في الفرقة والفتنة
اللى شعلت بجن الأشقاء .
وخلت حياة العرب ... حرب وضرب ... وعذاب وشقاء .

* * * * *

صدام العراق

صدام العراق

اللى خان ... وباع .

وخلا جيشه وشعبه

من الفقرا والجياع .

باع ذمته وضميره

بأرخص مناع .

يا ويله من التاريخ

حبذه ... ويبقى من الصيام .

لأن جنانه فاق كل الحد

ومش عايز أبداً ... يتلم وينهد .

و ... بغداد ... يا بغداد ... يا دار الخلافة الإسلامية .

عرشك ... اتذل وهان ...

وبقى ركوبة ... وبقي مطية .

للمجانين ... والحرامية ... والعصبجية .

* * * * *

الصرب

الصرب ... نازلين ضرب ونازلين حرب

جنتهم وجمع في القلب .

مفتريين وطبعهم صعب

على المؤمنين ... اللى بيؤمنوا بالحساب والرب .

” تبتو “ كان حايشهم ... وكان واقف لموهم وعيشهم

لكن ... من بعده افتروا خالص .

مستفويين بعتادهم وجيشهم ... ما حدش قادر يهمشهم

والبوسنيين احنا روا خالص .

بلدهم ووطنهم ... حيروحو تبتن ؟ ...

طول عمرهم ... فيها مع بعض عايشين .

عمالين بطاردوهم ... وقتل واغتصاب للبنات والبنين

الله يجمعهم الصرب والكروات الغدارين .

وزعيمهم ” رادوفان كارا زديتش ” السفام الجبار

هايم في الخلق ... وأخرته النار .

مجنون متفرد عن ... فسيب و حمار
هريد من المحاكمة ... زى النار .
بالذمة ... ده التاريخ حيحسبه بنى آدم
زى كل البشر .
ولا جبرجم عليه بتاريخه الأسود
ومع الحثالة ... يغمش .

* * * * *

الشيشان

الشيشان ... ربوا للروس الجنان
والدب الروسى ... واقف خذلان .
ناس بيدافعوا عن بلادهم
وقلبهم معمر ... بالعقيدة والإيمان .
عابزين ببنا أوطانهم
ويعيشوا فى خير وأمان .
لكن تقول إيه فى الجنان
اللى ابتلت بيه الأقليات فى الأوطان .
من الأغلبية اللى افتردت
ونازلة فيهم قتل وطفيان .
ولكن حكمة ربنا ... فوق كل الروس والجباه
”كم من فئة قليلة غلبت فئة كثيرة ... بإذن الله“ .

* * * * *

الجزائر

حي فضل قلبي ... حزين وحائر
من هول اللي بيجرى ... فى الجزائر .
إيه اللي جراكم ... يا أحفاد أبطال الأمس الثائر .
اللى طردوا المستعمر ... وضحوا بأرواحهم
لأجل يشرق الغد الباهر .
ولأجل تعلوا وتعلوا ... بالحب وبالود
وبالتعاون والتعاون .
... فاحذروا الفتنة ... اللي شعلت بينكم
وجلبت لكم الخوف والهم والخسائر .
واترقوا بالوطن الحبيب
والأنفس والأعراض والمصائر .
واعلموا فى النهاية ... إن الملك والحكم لله
وكل سلطان وهيلمان ... زائل ... زائل .

* * * * *

أمريكا

أمريكا ... على نَفْسُ الشعوب
كابسة ... وباركة .
ودلوعتها إسرائيل متحفزة
ودراعتها الطويلة ... فاردة وفاركة .
وبتخلم من النيل للفرات ...
وشرق أوسطية ... وسوق مشتركة .
عابزة سلام مشروط بشروطها
لأن رجعة الحق لأصحابه ... فيه موثها .
هي دي بلوثها ... وهي دي حجتها
والفلسطينيين أصحاب الأرض ... الله يعوض عليهم
المهم ... أمنها وحياتها .
بتخربد في غزة والضفة والخليل وسهل البقاع
وأمريكا بتطلبط عليها ... وبتنديها ما شاءت من ضياع .
وبتقولها : " الكل تحت أمري وأمر كفي حالة انصياع
ومهما طال الزمن ... الحلم حيتحقق ... والقدس من حقك
بدون نزاع " .

بيوزعوا الأدوار على بعض ويقسموا التركة
والحكام العرب بجهروا لاجل ينالوا الرضى والبركة .
وكل مناهم ترضى عنهم ... سيدة الكون والعالم ..
أمريكا .
ابناينا بهم ... وبشطارتهم ... اتمسحت حقوقنا
بأسنينة .

* * * * *

درة لبنان " قانا "

... قانا ...

ياما إحنا عليك ... حزانى .

وثأرك بيغلى ...

فى دمانا ... وجوانا .

فى مصر ... وسوريا ... وفلسطين

مراسى أنبيانا .

ولابد من يوم ...

راح نثار لشهدانا .

وننتقم من اللى ... أذاكى ...

وأذانا .

الصهيونى ... الخسيس ...

أبن الجبان ... والجبانة .

ياحبيبة قلوبنا ... من جوه

... يا قانا .

* * * * *

بنيامين نتانياهو

بنيامين نتانياهو ...

ما حلتوش غير ... لأ لا آهو .

عابز يمشى الدنيا ...

على هواهو .

هو ... ومستوطنيه

وحافاماته .

كل واحد منهم ... بيدعى

إن القدس ... وارثها عن أبائه .

نسوا إن جدودهم ... كفروا بربنا

وقتلوا أنبيائه .

داعى عليهم ربنا ... فى عليائه

يتشتتوا ... ويحببهم بلائه .

... القدس الشريف

بيطلب النجدة ... من إلهه .

بعد ما اتخلوا عنه المسلمين

وجرحوا كبريائه .

وبيقول ... إمتى تعود أيامك ... يلا سلام الدين

وترجم الحق لصحابه ... من اللي بغوا وساقوا .

وتطهر تراوى ... من دنس الصهيونى وأوغاده

وتنتقم لى ... من اللي خانوا ... وباعوا .

* * * * *

خنزيرة صهيونية

بنحت صهيونية ... مجردة من الإنسانية
بتعرض للأنبياء ... برسوم بذئنة وغيبة .
مجربة ... مش متربية ...
ويمكن مختلفة ... من غير عقلية .
هى ... واللى على شاكلتها
أحفاد الخنازير والفردة والحرامية .
اللى ركبوا موجة الصهيونية العالمية
وبيعايروا العالم بموشم ... العداء للسامية .
... لكن ... ولا هى ... ولا مليون مية
يقدرنا يطفئوا الشعلة ... المضوية
لكل الموحدين المؤمنين ... بالأديان السماوية .
وبارب الأنبياء والمرسلين والمؤمنين والقلوب النقية
طهر - من هؤلاء الأنجاس - كل البشرية .

* * * * *

زارعو الألغام

زارعو الألغام ... قتلوا الأحرار
في كل بلد ... داسوها بالأقدام .
وسابوا الأرض منكهربة يا حرام
والمعوقين ... بيزيدوا عام ... ورا عام .
ما كفاهم مش الحروب اللي بيشتعلوها
كمان يظلموا الأرض ويلغموها .
وبعد الحرب يمشوا ويسببوها
فخاخ للبنى آدميين ... تصطادهم قبل ما يصيدوها .
... وبها الدول عملت مؤتمرات
علشان ينكسفوا على دمهم ... وبيشيلوها .
بيعودوا وعود ... وبعد ما ينفض المؤتمر
كل الوعود اللي اتفالت ... ينسوها .
بالذمة ... دي بلاد منحضرة
وايئة فايدة الحضارة ... وهما بالألغام بينسفوها .

* * * * *

الإرهابي

الإرهابي ده مش إنسان
ولا هو شهم ... ولا إيجابى .
ده أسمه بيرو عنى ...
وبخلى روحى ... تلقى فى ركابى .
وبيقلبنى مش دارية
بإيه اللى هيجرى ورا بابى .
خابن لبلده ... إنسان وضع
عليه يا خرابى .
قال عامل متدين ... وبيخرب فى ترابه وترابى .
أهو ده اللى جنونه ...
بيقتلنى عقلى وصوابى .
ونفسى أعرف بيعمل كده ليه
فى أهلى وأهله ... وأصحابه وأصحابى .
... وولادنا الأبطال دروع الوطن

اللى سهرانين على أمننا ... ليل ونهار .
الغل من نحيتهم فى قلبه سكن
علشان بيكشفوا سنوه ... خسيس غدار .
عميل مأجور ... من رؤوس الفساد
اللى بيتأجروا فى الدنيا والدين ... والسلام والسموم .
يهدا ويفور علشان أسياده الأوغاد
اللى بيمدوه كل ما ينفذ جرايمهم ... بالمعلوم .
باع نفسه للشيطان والدين منه براء
ياربند عن غيبه ينوب ... لاجل يرحمه رب السماء .

* * * * *

عبدة الشيطان

عبدة الشيطان

شابات ... وشبان .

ضلوا طريقهم ... وعاشوا فى نوحان .

واختاروا الكفر ... وطريق العصيان .

كفروا بالرحمن ... الواحد الديان .

خالق الإنسان ... والنبات والحيوان .

وخالق كل شئ كان ...

من ملايكة ... وجان .

انزع من قلوبهم ... الإيمان

وارتكبوا الفواحش ... من زنا لإدمان .

وعاشوا كما الفجر الواغش

فى بوهيمية ... فى الصحرا والوديان .

وسمعوا الموسيقى النشاز

وعلقوا فى صدورهم ... الحقيق والعلبان .

وبالدم لطخوا وجوههم ...
دم القطط ... وربنا أعلم إيه كمان .
وبدل ما يعبدوا الله
الواحد الأحد فى كل مكان .
ويبرجوه يستترها معاهم ... لآخر الزمان .
ويجندوا كل جهودهم ... لخدمة الأوطان .
عبدوا الشيطان ... عدو الإنسان ... وطريد الرحمن .
... ومبين أظلم ... من اللى اشترى ود عدوه
وجحد بنعمة ... الوهاب ... الصنان .
لكن ... نقول إيئة ... فى خبيثة الإنسان .
اللى حيفضل دايماً وأبداً ... عبد لوسوسة الشيطان .
يفضله فى طريقه ... ويخليه يحفر بنفسه طريق العصيان .
... لكن نرجع تانى ونلوم
البيعت والأم والأب ... أصل البنيان .
إزاي يسببوا النشئ ... يزار وبزوم
ويكفر بالدين والرب ... ويعبد الشيطان .

فبين النصيحة والقُدوة والمثل العليا
اللى المفروض من الصغر ... بنتربى عليها .
فبين تقاليدنا الحلوة ... وعاداتنا الغالية
اللى من القدم ... مجتمعا زرعها فينا .
... دى مصر المحمية من رب القُدرة
طول عمرها الإيمان نابغ منها ... وبه ربنا حاميا .
وياشباب مصر النادرة وبكرة ...
يحميكم ربنا ويكفيكم ... شر الخواية ... وبلاويها .

* * * * *

جنون البقر

الإنسان ... هو السبب

فى جنون البقر .

الغذا الطبيعى ... عنه حجب

ما تقولش العالم ... إتفق .

ده ربنا خلق الخير فى الأرض

بزيادة الزيادة .

تخالفوا ليه الشرع والفرض

باختراعات الموت والإبادة .

فيه حد يطحن الدم والعظم

وللحيوان يوكلها .

خليتوا الحيوان بجيله عسر هضم

ليه تغيروا تولىفة المراعى ... ونشقلبوا حالها .

دى نعمة ربنا ... وربنا هادانا بيها

لازم نحافظ عليها ... ونصونها .

ده غذانا ... كله فيها
فى لبنها وصوتها ولحمها وما فى بطونها .
حرام نفسى عليها ونأذيتها
ده ربنا حل لبنا أكلها ... وبارك فيها .
سيبوها تمزم فى البرية ...
سيبوها نتغذى على الأعلاف الطبيعية .
دى حبيبة الأولياء والأنبيا
ومن العبادات ... الشفقة عليها ... والرحمة ... والحنية .

* * * * *

تحرير هونغ كونج

... يوم تحرير هونغ كونج
ورجوعها للأم الصين ... من التاج البريطانى .
اتسلمت عروسة ولنج ... اقتصاد عالى متين
وشعب ملهم بالأمانى .
ناس عاقلين متحضرين ... لا كُأوا ولا ملُأوا سنيين
وفى المطالبة بحقوقهم ... كانوا مش متسريعين .
جنبوا روحهم خساير بالملايين ...
كانت حنتبهرق ... لو خدوها بالعنف والحرب
من المستعمر اللعين .

* * * * *

الحدث ده ... أثر فى كيانى
وسرحت بفكرى ... ووجدانى
وافتكرت يوم تأميم .. فنال السويس .
وفرحتنا برجوعها ... وبالأمانى
اللى عشمنا بيها الدكتاتور الأنانى

اللى كنا بحبه ... مجموعة من المهاوييس .
كنا فاكربين إنه حاسبها ... حساب مدروس
لما طلبنا - للسد العالي - من البنك الدولى فلوس .
أتاريه لوحده فى دماغه ضربها ...
ومشينا وراه ... عجول وتيوس .
رغم إن القناة ... كانت حنرجع لنا
وحق الإمتياز ينتهى ... وتدر علينا فلوس وفلوس .
وتعود لنا ... من غير مناهدة ... ولا حرب أيام وليالى
وعليها ترتفع رايتنا ... والفرحة تلالى .
لكن جنون العظمة ... كان هو الشعرة
اللى قسمت ظهر البعير .
وخلت انجلترا وفرنسا وإسرائيل مخم من الغل يطبير .
والحاكم العبقري ... هيا لهم الفرصة
لاجل يذلوا الشعب ... اللى بحبه أسير .
وضربوا الضربة اللى هيه
ومن يومها اتوالت علينا المصايب

واحدة ورا الثانية .
والقناة اللي خذناها ...
لاجل تعدل أيماننا الجاية .
انقللت بالضبة والمفتاح
من الحروب والمعارك المتوالية .

* * * * *

يوم تحرير هونغ كونج ...
ورجوعنا للأم الصين ... من التاج البريطاني .
قلّبت علينا المواجه ... وجرحنى وبكائى
وبيا عالم يا بكرة ... مخبى إيه ثانى .

* * * * *

وفى الفتام.

أقول لكم

وفى الختام ... أقول لكم

أنا مش بادين كل البنى آدميين
... لا سمح الله ... وأنا أكون مين .
كلنا أحياناً ... بنحترف زى المجانيين
من حين ... لحين
من صعوبة الحياة ... ما أنتم سيد العارفين .
... أنا اخترت نماذج ... كانوا فى التاريخ عايشين
وكانوا فى ظلمهم ... ما عندهم مش هالة ولا دين .
وبارينه كانوا لقوا اللى واجهوهم
ولا وقفوش أمامهم ... سلبيين .
وردوهم عن ظلم البنى آدميين .
وكشفوا للناس غدرهم
ونفضوا غرضهم ... وإيه عايزين .
... لكن ... قدر واتكتب علينا
طول ... ما إحنا عايشين .

نواجه الخير والشر
وعلينا افتار ... فبين رايجين .
... وسامحوني ... لو جرحتكم
بجبروت وظلم البشر ... وقلوبهم الحديد .
غرضي كان العبرة والعظة
لأن الشر كل يوم ... له وش جديد .
وافتكروا كلامه سبحانه :
"إن في ذلك لذكرى لمن كان له قلب أو ألقى السمع وهو شهيد " .

* * * * *

الفهرس

- ٥ - افتتاحية
- ٩ * جنان البشر ... والأنبيا والتابعين
- ١١ - سيدنا آدم عليه السلام وأم البشرية حواء
- ١٣ - هابيل ... وقابيل
- ١٥ - سيدنا نوح عليه السلام
- ١٨ - سيدنا إبراهيم عليه السلام
- ٢٠ - نبي الله " لوط "
- ٢٢ - سيدنا يوسف وسيدنا يعقوب عليهما السلام
- ٢٥ - سيدنا موسى عليه السلام وفرعون
- ٢٧ - سيدنا سليمان الحكيم
- ٢٩ - سيدنا يونس عليه السلام
- ٣١ - ستننا مريم البتول وعيسى عليه السلام
- ٣٦ - أهل الكهف
- ٣٧ - الطاغى أبرهة
- ٣٩ - سيدنا محمد صلى الله عليه وسلم
- ٤٣ - أبو لهب
- ٤٥ - سيدنا عمر بن الخطاب
- ٤٧ - سيدنا علي كرم الله وجهه

| | |
|----|----------------------------------|
| ٥١ | * جنان البشر فى التاريخ المسكين |
| ٥٣ | - الهرم |
| ٥٥ | - المكسوس |
| ٥٧ | - الفيلسوف العظيم سقراط |
| ٥٩ | - نبيرون |
| ٦١ | - هوبانيا (فيلسوفة الإسكندرية) |
| ٦٣ | - يزيد الأموى |
| ٦٤ | - الحجاج الدموى |
| ٦٥ | - جحا الحكيم |
| ٦٧ | - الحروب الصليبية |
| ٦٩ | - هولوكو |
| ٧١ | - محاكم التفتيش |
| ٧٣ | - الخلافة العثمانية |
| ٧٥ | - كريستوفر كولمبس |
| ٧٧ | - جاليليو جاليلى |
| ٧٨ | - ثورة الجياع ومارى انطوانيت |
| ٨٠ | - الحملة الفرنسية |
| ٨٣ | - إنجلترا |
| ٨٥ | - فرنسا |
| ٨٧ | - نوبل |

| | |
|-----|---|
| ٨٩ | - عرابى البطل |
| ٩١ | * جنان البشر فى القرن العشرين وزمناً الحزين |
| ٩٣ | - ربا وسكينة |
| ٩٤ | - موسولبنى |
| ٩٥ | - هتلر |
| ٩٦ | - هورشيما |
| ٩٨ | - فلسطين |
| ١٠٠ | - أهلى وحبابى |
| ١٠١ | - الثورة الناصرية |
| ١٠٥ | - الأفغان |
| ١٠٧ | - الأكراد |
| ١٠٩ | - العراق |
| ١١١ | - صدام العراق |
| ١١٣ | - الصرب |
| ١١٤ | - الشيشان |
| ١١٥ | - الجزائر |
| ١١٦ | - أمريكا |
| ١١٨ | - درة لبنان "قانا" |
| ١١٩ | - بنيامين ننانياهو |
| ١٣١ | - خنزيرة صهيونية |

- ١٢٢ - زارعو الألغام
- ١٢٣ - الإرهابي
- ١٢٥ - عبدة الشيطان
- ١٢٨ - جنون البقر
- ١٣٠ - تحرير هونغ كونج
- ١٣٣ - وفي الختام ... أقول لكم

* * * * *

وإلى لقاء قريب مع الجزء الثاني
من " جنان البشر "

مكتبة الإسكندرية
Alexandria Library
Bibliotheca Alexandrina



0274880